

# GARDENTASUNAREN EGOERA

GASTEIZKO UDALAREN PUBLIZITATE  
AKTIBOAREN ETA INFORMAZIO  
PUBLIKORAKO SARBIDEAREN ARLOKO  
BETEBEHARRAK BETETZEARI BURUZKO  
TXOSTENA - 2023KO EKITALDIA



## **Aurkibidea**

Sarrera.....	4
Publizitate aktiboa.....	6
Informazio publikoa eskuratzea.....	10
Gardentasun Atarira egindako bisitak.....	12
Ondorioak.....	16

# 01

## Sarrera

Euskadiko Toki Erakundeei buruzko 2/2016 Legearen 66. artikulua betetze aldera, **Gasteizko Udalaren publizitate aktiboaren eta informazio publikorako sarbidearen inguruko betebeharren betetze-mailari buruzko txostena aurkezten da, 2023. urteari dagokiona.**

Ekitaldi honetan nabarmendu behar da ekainetik irailera bitartean, **2023-2027 agintaldiko plana** abian jartzearekin batera, antolaketa politiko eta administratiboaren atala eguneratu dela, amaitutako agintaldiaren kontuak emateari buruzko informazioa itxi, eta agintaldi berriaren **gobernu-programa** argitaratu.

Gunearen egiturari dagokionez, aldaketarik nabarmenena webgunearen **hasierako orrian** bertan dago, gehien erabiltzen diren ataletarako zuzeneko sarbideak ezarri baitira, nabigazioa errazteko. Hala, **"Gobernu Irekia"** menuko fitxa berria nabarmendu behar da, zeinak atal hauetara azkar sartzeko estekak eskaintzen baititu: agenda instituzionala, datu irekiak, gobernu eta udal jarduera, herritarren parte-hartzea, gardentasuna eta prentsa-aretoa.

Aldaketa horiek udalaren webgunea ([www.vitoria-gasteiz.org](http://www.vitoria-gasteiz.org)) eguneratzeko egindako lanen ondorio dira. Diseinu berria 2023ko otsailaren 15ean estreinatu zen, irakurketa erraztu eta erakargarriago bihurtzearen, komunikazioa argiagoa izatea eta herritarrei zerbitzu hobea eskaintzea helburu. Bilatzailea optimizatzeko lanak ere egin dira, bereziki, emaitzak iragazteko aukera ematen duen sisteman.

2023ko azaroan, Estatuan webgune argiena duten hirien arteko 4. postuan kokatu zuten Gasteiz. Hala adierazten du Espainiako administrazioen argitasunari buruzko IV. txostenak, zeina Prodigioso Volcán aholkularitza-enpresa estrategikoak landu baitzuen.

Txostenak 52 udal aztertzen ditu (50 probintzia-hiriburu + 2 hiri autonomo), **hizkuntzaren argitasuna, erabilgarritasuna, irisgarritasuna eta diseinua** oinarri hartuta. 66 irizpide baliatuz, orotara 100 lor dezake udal bakoitzak; 100 puntu horiek honela banatzen dira: 25 hizkuntza argiagatik + 25 erabilgarritasunagatik + 25 erabilerraztasunagatik + 25 diseinuagatik.

## 1.1 Lege- eta arau-esparrua

**Oinarrizko bi arautan** daude finkatuta dokumentu honetan hizpide ditugun **betebeharrak**, gardentasunarekin lotuta beste esparru batzuetako legedian ageri direnak —eta era berean Udalarari aplikatzekoak direnak— gorabehera:

- **19/2013 Legea, abenduaren 9koa, Gardentasunari, informazio publikoa eskuratzeari eta gobernu onari buruzkoa** (2013ko abenduaren 10eko BOE, 295. zk.).
- **2/2016 Legea, apirilaren 7koa, Euskadiko Toki Erakundeei buruzkoa** (2016ko apirilaren 14ko EHAA, 70. zk.).

Sailen, erakunde autonomoen eta udal enpresen arteko koordinazio-lana egin zezan, Herritarrentzako Arretaren eta Gardentasunaren Zerbitzuko Gardentasunaren eta Edukien Atalaren gain utzi zituen zeregin horiek Gasteizko Udalak, efizientziaren eta gastu publikoaren arloko aurrezpenaren inguruko irizpideak oinarritzat hartuta. Horrenbestez, atal horrek egin du txosten hau.

## 1.2 Txosten honi buruz

Bi legeek publizitate aktiboa nahitaezkoa dela dioten alderdi nagusiak aurkezten ditugu txosten honetan, atalez atal, eta Udalak betebeharrak hori zenbateraino betetzen duen adierazten. Gainera, beste atal batean, informazio publikoa eskuratzeko eskabideen berri ematen da, eta webgunera eta aurrekontu grafikoaren plataformara egindako bisiten datu estatistikoak.

## Publizitate aktiboa

### 2.1 Printzipio orokorrak

19/2013 Legearen 5. artikuluan eta 2/2016 Legearen 50. artikuluan daude jasota legez horretara behartuta dauden subjektuen publizitate aktiboa gidatu behar duten printzipio orokorrak. Gasteizko Udalak printzipio horiek betetzen ditu, ondoren adierazten dugun moduan bete ere:

- **Irigarritasuna:** udalaren webgunea —eta, beraz, bertako eduki guztiak—bat dator **sektore publikoko webguneen eta gailu mugikorretarako aplikazioen irigarritasunari buruzko apirilaren 7ko 1112/2018 Errege Dekretuarekin**, zeinak 2016/2102 (EB) Zuzentaraua Espainiako ordenamendu juridikora aldatzen baitu; orobat, nazioarteko zenbait estandar teknologiko betetzen ditu, eta informazioaren irigarritasuna bermatzeko software-laguntza teknikoak ditu.
- **Elebitasuna:** webgunean herritarren eskura jartzen den informazioa **formatu elebidunean** dago gehienbat, erakundeak nahitaez bete beharreko indizetik gora —% 95 ingurukoa da portzentajea html orrien kasuan—.
- **Hizkera inklusiboaren erabilera: hizkuntzaren erabilera ez-sexistari dagokionez ezarritako betekizunak** betetzen dituzte edukiek, baita **Udalaren zeharkako hainbat planetan finkatutako bestelako irizpideak** ere ([Bizikidetzeta eta Aniztasun Planeko irizpideak](#) aplikatzen dira edukietan).
- **Eguneratua, argia: eskuratu orduko eguneratzen da informazioa**, eta sailek berek ateratzen dute zuzenean kudeaketa-aplikazioetatik, **zorrotasunez**. Aplikazio horiek **automatikoago** bihurtzeko lan egiten da, eta, aldi berean, **informazioa argiagoa** izan dadin, webguneko edukirik konplexuenak **errazago ulertzerik izan dezaten herritarrek**.
- **Berrerabilitzea eta elkarreragingarritasuna:** 2023ko ekitaldiaren amaierarako, 689 artxibo argitaratu ziren Datu Irekien Atarian, 184 datu-multzotan bilduta.

Txosten honetan, Udalak publizitate aktiboaren arloan dituen betebeharrak nola betetzen diren adierazi ahala, orobat adieraziko dugu printzipio orokor horiek zein puntutan betetzen diren eta zeinetan ez.

### 2.2 Gardentasun Atariaren egitura

Gardentasunaren eta Gobernu Irekiaren Atariaren egungo egitura ere sinplifikatu egin da, argiagoa izan dadin, eta sei atal nagusitarako sarbidea ematen du:

- **Antolakuntza, planifikazioa eta kontu-ematea.**
- **Ekonomia, aurrekontuak eta zergak.**
- **Kontratazioak, dirulaguntzak, hitzarmenak, mandatuak eta ondarea.**

- **Open Data-Datu irekiak:** Datu Irekien Atarirako zuzeneko sarbidea.
- **Informazio publikoa eskuratzeko eskubidea:** eskubide hori baliatzeko moduari buruzko informazioa, eta jarraipenaren estatistikak.
- **Gardentasuna gaika:** udal kudeaketaren hainbat arlori, izapideei eta zerbitzuei buruzko informazio eskuratzeko sarbidea.

Nabarmentzekoak izeneko atalean, Non doaz nire zergak? plataformara sartzeko bide ematen da, non Udalaren aurrekontuak formatu grafikoan agertzen baitira.

Aurreko urteetan bezala, mantendu egin da **“Azken eguneratzeak”** atala, bertan ematen baita atariaren eguneratze garrantzitsuenei buruzko informazioa. 2023an, egindako eguneratze garrantzitsuenei buruzko 43 ohar agitaratu ziren albiste-erantzun horretan.

Bestetik, **erakunde autonomoen eta udal-enpresen** guneetarako zuzeneko estekak ere erakusten dira, bai eta **gardentasunaren egoerari buruzko txostenak jasotzen dituen** espaziorako eta **gizarte-erantzukizun korporatiboari** buruzko espaziorako estekak ere.

## 2.3 Betekizunen betetze-mailari buruzko analisia

Publizitate aktiboaren arloko betekizunak bete diren jakiteko, **52 item identifikatu dira guztira** (ikus I. eranskina). Sei ataletan bildu dira, aztertzeko:

- 2.3.1 Erakundeari, antolakuntzari eta planifikazioari buruzko informazioa
- 2.3.2 Garrantzi juridiko-normatiboko informazioa
- 2.3.3 Informazio ekonomikoa, aurrekontuei buruzkoa eta estatistikoa
- 2.3.4 Langileei buruzko informazioa
- 2.3.5 Politika publiko lokalei eta zerbitzu-zorroari buruzko informazioa
- 2.3.6 Beste zenbait alderdi

### 2.3.1 Erakundeari, antolakuntzari eta planifikazioari buruzko informazioa

2023-2027 agintaldiko plan berria martxan jartzearekin batera, ekainetik irailera, udal-korporazio berriari, izendapeneko langileei eta administrazio-antolamendu berriari buruzko datuak sartu ziren. Txosten hau bukatzeko orduan, datuak eguneratuta daude, nahiz eta ohartarazpen hau egin beharrean gauden: **zuzendaritza-langileen curriculum vitaeak mantentzen** dira, zuzendari nagusi batenak eta udal enpresenak izan ezik, baina **oraindik ez da ematen lanpostu horietan jarduteko eskatzen den profilari buruzko informazioa**; horrek esan nahi du ez dela betetzen 2/2006 Legean ezarritako betebeharren parte bat baino. Plangintzari buruzko informazioaren arloan, **2019-2023 gobernu-programa eta dagokion kontu-ematea itxi dira, eta 2023-2027koa argitaratu da.**

**Informazioa elebiduna da**, gaztelania hutsez dauden zenbait fitxategi erantsi salbu, eta **genero-berdintasunaren markoa errespetatzen da**. Informazio eguneratua da, egiazkoa, ez oso konplexua, eta irisgarritasun unibertsalaren estandarrak betetzen ditu —bai html edukiak, bai pdf artxiboek—. I. eranskinean jasota dago atal honetan identifikatutako itemen zerrenda.

### 2.3.2 Garrantzi juridiko-normatiboko informazioa

Bi artikuluko hauetan aztertzen diren informazio-itelak Udalaren webguneko **hainbat lekutan ageri dira**, eta Gardentasun Atariko hainbat estekek eramaten dute horietara. Besteak beste, honako hauetan: udal araudien orrian, herritarren partaidetzaren ingurukoetan, aurrekontuei buruzkoetan... Identifikatutako itelak erreparatuz gero (ikus eranskina), hauek dira **argitaratzen ez ditugunak** (aurrekoa bi ekitaldietako berberak):

- **Udal organoek hartutako erabakiak, zuzenbidea interpretatzea dakartenak** nahiz ondorio juridikoak dituztenak.
- Araudiak lantzeko dosierak osatzen dituzten oroitidazki eta txostenak; bereziki, **eragin normatiboaren analisiaren oroitidazkia**, zeina uztailaren 3ko 1083/2009 Errege Dekretuan arautzen baita.
- **Urteko araugintza-plana**, hurrengo urtean onesteko aurkeztuko diren arautze-ekimenak jasotzen dituenak.

2023ko ekainetik, **ebazpen judizialak** Botere Judizialaren Kontseilu Nagusiaren **Dokumentazio Judizialeko Zentroak** (CENDOJ) ematen duen aplikazioaren bidez eskaintzen dira.

### 2.3.3 Informazio ekonomikoa, aurrekontuei buruzkoa eta estatistikoa

I. eranskinean **zerrendatzen diren itelak** —informazio ekonomikoa, kontratazioei buruzkoa, aurrekontuei buruzkoa eta estatistikoa— **modu proaktiboan eskaintzen dira, bai Gardentasun Atariaren bidez, bai Datu Irekien Atariaren bidez —kontratu-zerrenden edo aurrekontuen kasuan—. Prozedura-kontuei zor zaizkienak izan ezik** —ezin dira aurrekontu-adierazleak kalkulatu aurrekontua erabat itxi arte—, gainerako guztiak argitaratuta daude.

Atal honetako itelak gagozkielarik, kasu hauetan **ez dira betetzen**:

- **Udalaren ondasun-inbentarioa**, 2015eko datuak ageri baitira.
- **Hornitzaileen zerrenda**, 2022tik egiteke baitago.
- **Udalak egindako ordainketak**, ekitaldia ixteko datako datuak falta baitira.
- 2021, 2022 eta 2023an **obra publikoen lizitazioan parte hartu duten enpresen zerrenda**.
- 2021, 2022 eta 2023an **obra publikoak egin dituzten enpresen** izena.
- 2022ko eta 2023ko **hornitzaileen** zerrenda.
- 2023an **ezarritako zigorrak**.

Aurrekontu-informazioari buruzko atal honi dagokionez, nabarmendu behar da 2022tik OGP taldean parte hartzen ari garela, zeinaren helburua baita Euskal Autonomia Erkidegoko administrazioetarako **aurrekontu grafikoaren plataforma** bat bateratzea. Abiapuntu gisa, azterketa sakon bat egin zen erabiltzaileekin, beharrak identifikatzeko, eta txosten hau idazteko unean plataforma-proposamen bat lantzen ari da. Foro horretan hartzen diren erabakien zain, Gasteizko Udalak eutsi egiten dio CIVIOrekin duen kontratuari.

### 2.3.4 Langileei buruzko informazioa

Udal langileei dagokienez, Udalaren webguneko antolakuntzari, planifikazioari eta kontu-emateari buruzko atalean jarritako **esteken bitartez betetzen dira** publizitate aktiboaren arloko betebeharrak, eta beste zenbait espaziotakoan bitartez, hala nola [www.vitoria-gasteiz.org/hautatze-prozesuak](http://www.vitoria-gasteiz.org/hautatze-prozesuak) atalean edo lehen orrian, Enplegua fitxatik

[Enplegurako prestakuntza](#) orrira sartuta. Egiteke dauden **hobekuntzen zerrendan, indarrean jarraitzen du 2019an egindako proposamenak, hau da, lanpostuen zerrenda ulertzeko aukera emango duen koadro sinoptiko bat argitaratzea**. Terminoen eta laburtzapenen glosario bat argitaratzen da, baina informazioa argiago eman liteke.

### 2.3.5 Politika publiko lokalei eta zerbitzu-zorroari buruzko informazioa

Kasu honetan, legean finkatutako publizitate aktiboaren arloko betebeharrei erantzungo liekeen **informazioa** ez dago berariaz leku bakar batean bilduta, baizik eta Udalaren webgunean sakabanatuta. Funtsean betetzen dira legean finkatutako betebeharrak. Kasu guztietan, informazioa bi hizkuntza ofizialetan dago —kostu-azterketak osatzen dituzten artxibo erantsiak izan ezik—, irisgarritasun-betekizunak betetzen dira, eta genero-ikuspegia aintzat hartzen duen hizkeraren inguruko udal politika errespetatzen.

Aurreko urteetan bezala, **Udalaren kalitate-politikari buruzko informazio eguneraturik eta zerbitzuen katalogorik ez izatea** jotzen da **gabezia nagusizat**.

Katalogo horri dagokionez, eta administrazio publikoek beren eskumeneko prozeduren zerrenda webgunean argitaratzeko eta eguneratuta edukitzeko duten betebeharra kontuan hartuta (Administrazio Publikoen Administrazio Prozedura Erkidearen urriaren 1eko 39/2015 Legearen 21.4 artikulua), udal-sail guztiak lanean ari dira aplikazio bat edukitzeko, helburu hirukoitzarekin: Estatuko Administrazio Publikoaren "Administrazio Informazioko Sistema (AIS)" izeneko aplikazio informatikoa, egoitza elektronikoko izapideen katalogoa eta jendaurreko arreta kudeatzeko barne-aplikazioa (EVA) elikatzea.

Horrenbestez, administrazio publikoen sektoreko azken joera eta estandarretara egokitzeko asmoz, Gasteizko Udalaren egoitza elektronikoa berriz diseinatzea planteatu da. Horren bidez, aipatutako aplikaziotik abiatuta eta Liferay plataforma informazioaren eta dokumentazioaren gordailu gisa erabiliz, informazioaren arkitektura, nabigazioa eta bilaketa, ikus-diseinua eta pantailako informazioaren antolamendua hobetuko da. Egoitza elektronikoa berria 2024ko bigarren hiruhilekoan ezartzea aurreikusita da.

### 2.3.6 Beste zenbait alderdi

"Beste zenbait alderdi" izeneko epigrafean (ikus I. eranskina), **Gardentasun Ataria** du Gasteizko Udalak, eta herritarrentzat **interes orokorrekoak diren informazioak argitaratzen ditu** bertan. Gainera, **herritarren arretarako eta partaidetzarako bideen berri ematen da**, eta webgunera sartzeko diren pertsonak **edukietatik bertatik edo herritarren postontziaren bidez** —herritarrekiko elkarrizketa-tresna nagusia— **esku har dezakete**.

Bestalde, 2/2016 Legearen 49. artikuluan xedatutakoaren ildotik, Udalak webgune bat mantentzen du —<http://elkarteak.info>— **Gasteizko elkarte-mugimenduko entitate pribatuek espazio bat izan dezaten gardentasunaren arloko beren argitalpenetarako**, horretara behartuta baitaude laguntza eta dirulaguntza publikoak jasotzen dituzten entitateek.

## 2.4 Udalaren erakunde autonomoak eta enpresak

Udalaren **erakunde autonomoak** —[Ingurugiro Gaietarako Ikastegia](#), [Luis Aranburu Musika Eskola](#) eta [Jose Uruñuela Dantza Kontserbatorioa](#)— **atal propioa dute Gardentasun Atarian**, eta bertara bideratzen duen esteka jarrita dago Udalaren webgunean bakoitzak duen orrian. Atal horretan ematen den informazioak, funtsean, webgune orokorreko eskema berari jarraitzen dio, baina hainbat informazio-item orokorrean integratuta daude, hala nola aurrekontuei edo goi-karguen ordainsariei buruzko informazioa.

Erakunde autonomoen kasuan, **oro har informazioa eguneratuta ageri da, eta formatu elebidunetan** edo euskarazko bertsioarekin. Aurrekontuei buruzko informazioa eguneratuta dago. Aurrekontuarekin hertsiki lotuta ez dauden hainbat konturi dagokienez, erakunde bakoitzaren jardueraren arabera daude eguneratuta datuak —esaterako, IGIren hornitzaileen zerrendak edo jasotako dirulaguntzak berrikusi beharko lirateke, baita kontserbatorioko edo musika-eskolako ordainsariak ere—.

**Udal enpresen kasuan (TUVISA, AMVISA eta 21 Zabalgunea), eguneratze-maila erakunde autonomoen kasuan adierazitakoaren antzekoa da.**

# 03

## Informazio publikoa eskuratzea

### 3.1 Prozedura eta estatistikak

19/2013 Legearen III. kapituluaren arautzen da **informazio publikoa eskuratzeko eskubidea, gardentasunaren beste dimentsioa, “gardentasun pasiboa”** esan ohi zaiona, hartara “gardentasun aktibotik” bereizteko, hau da, txosten honetan aipatzen diren publizitate aktiboaren arloko betebeharrak arautzen duten horretatik.

19/2013 Legearen informazio publikoa eskuratzeko eskubidea baliatzearen inguruan ezarritako erregulazioak —2/2016 Legearen III. kapituluaren (Informazio publikoa eskuratzeko arloko printzipioak eta erreklamazio-organoak) indartua— Gasteizko Udalean eskubide hori gauzatzeko **administrazio-prozedura bat abian jartzea** ekarri zuen berekin, zeina aplikazio baten bitartez modu elektronikoan baliatu baitaiteke, eta horrek aukera ematen digu legearen arabera bi hilean behin argitaratu beharrekoak diren estatistikak ateratzeko.

2023an, 61 **eskaera jaso** dira; horietatik, 60 **erantzun** dira, eta 1 **ezetsi** egin da. Aurreko urteekin alderatuta, epe barruan emandako erantzunak 36 izan dira, baina kopuruak hobera egin behar du. Aurreko urteekin alderatuta, oso baliagarria izan da 2022az geroztik sailekin arlo horretako dosierren izapidetzea arintzeko egiten ari den lana.

Bestalde, ohartu gara jasotako eskabideetako asko berez ez direla eskabideak, eta artxibatze modukoak direla, beste prozedura batzuekin lotuta daudelako, esate baterako, dosierak ikusteko prozedurari, zeinak beste izapidetze bat baitakar. Kopuru hori hobetu egin da, aurretik 32 izan baitira horrelakoak, eta iaz, 46.

Argitaratutako estatistikei dagokienez, bi hilean behin jasotzen dira Gardentasun Atarian 2/2016 Legearen zehaztutako datuak. Datu Irekien Atarian ere argitaratzen dira.

### 2023. urtea

- Jasotako eskabideak: 61
- Eskabideak, aurkezteko moduaren arabera: aurrez aurre (22) / Online (39)
- Eskatzaileen sexua: emakumeak 11 / gizonak 40 / entitateak 10
- Erabilitako hizkuntza: gaztelania (59) / euskara (2)

Erantzunen zer-nolakoak	
<b>Emandako erantzunak</b>	<b>60</b>
<b>Epe barruan emandako erantzunak</b>	36
<b>Erantzuteko baliatutako modua</b>	Posta arrunta: 0 / Posta elektronikoa: 59
<b>Onetsitako eskabideak</b>	25
<b>Partez onetsitako eskabideak</b>	1
<b>Ezetsitako eskabideak eta arrazoiak</b>	1
<b>Artxibatutak</b>	32
<b>Gaikako laburpena</b>	Mugikortasuna eta garraioa (5), Bide publikoa (6), Ingurumen eta iraunkortasuna (9), Herritarrentzako informazioa eta laguntza (8), Herritarren parte-hartzea (6), Kirolak (1), Aisialdia eta kultur (3), Ogasuna (7), Ekonomia sustapena (10), Turismoa (5), Hirigintza - Etxebizitza (11), Osasuna eta kontsumoa (1), Hezkuntza (1), Herritarren segurtasuna (3), Prestakuntza eta enplegua (3), Berdintasuna, Integrazioa eta Lankidetzak (1)
<b>Erantzuteke (urtea bukatzean)</b>	3

## Gardentasun Atarira egindako bisitak

2023an joera-aldaketa bat gertatu da bisitei dagokienez; izan ere, hasierako orrialdeetara egindako bisitek behera egin dute (Gardentasunaren Atariko lehen orria eta gaikako orriak), eta **eduki zehatzetara egindako bisitek**, berriz, **gora**.

Nabarmentzekoa da, halaber, Open Data ataria gehiago erabili izana, banaketa-deskargen kopurua **% 17 hazi** baita.

Aldi berean, **Udalaren webguneari buruzko informazio estatistikoa** —urteko oroitidazkietarako biltzen dena— **herritarren eskura jartzeko asmoari** eusten diogu, eta horretarako berariazko espazio bat sortzekoa, [www.vitoria-eiz.org/gardentasuna](http://www.vitoria-eiz.org/gardentasuna) helbidean. **Eduki hori sortzeke dago**.

Bestetik, aurreko urteetan adierazi den bezala, **egiturazko zailtasunak** daude **udalaren Gardentasun Atarian estekatuta agertzen diren eduki jakin batzuen bisitak banakatzeko**, udal webguneko edukiak direlako eta ez atari horretarako berariaz prestatutako html-ak. Datu nagusietako batzuk eskaintzen dira hemen.

Orri nagusiak	Bista kopurua (ikusitako orrialdeak)	Erabiltzaileak guztira
Gardentasun Ataria (hasiera)	8.891 (-% 38,7)	2.198 (-% 35,4)
Udalaren webgunea	21.804.802 (+% 26,5)	997.445 (+% 27,4)
<i>Elkarren arteko erlazioa</i>	<i>Guztiaren % 0,04</i>	<i>Guztiaren % 0,22</i>

Gaikako orriak	Bista kopurua (ikusitako orrialdeak)	Erabiltzaileak guztira
Antolakuntza eta planifikazioa	3.371 (-% 32,6)	885 (-% 27,2)
Ekonomia eta aurrekontuak	1.126 (-% 29,6)	320 (-% 26,3)
Kontratazioak eta ondarea	2.440 (-% 14,7)	587 (-% 13,4)
Gardentasuna gaika	980 (-% 57,2)	376 (-% 50,9)

Gaikako orriak	Bista kopurua (ikusitako orrialdeak)	Erabiltzaileak guztira
Udal araudia	9.951 (-% 0,2)	3.357 (+% 24,4)

Eduki-orriak	Bista kopurua (ikusitako orrialdeak)	Erabiltzaileak guztira
Goi-karguak eta langile izendatuak	10.987 (+% 226,5)	2.635 (+% 145,3)
Goi-karguen ordainsariak	4.556 (+% 76,4)	1.580 (+% 72,1)
Udal-langileak	7.659 (-% 27,8)	2.541 (-% 14,3)
Jardueren eta ondasunen erregistroa	1.690 (+% 448,7)	427 (+% 291,7)
Gai-zerrenda eta akten kontsultak (organo espezifikoko bakoitza kontsultatzeko sarrera ematen duen orria)	3.132 (+% 101,9)	666 (+% 102,4)
Osoko bilkuraren zuzeneko emanaldiak streamingen	8.671 (+% 54,3)	1.724 (+% 49,8)
Kontratuen, dirulaguntzen eta abarren estatistikak eta zerrendak*	491 (-% 39,5)	98 (-% 42)
Agintaldirako plan estrategikoa – 2023-2027rako gobernu-programa	1.154 (-% 23,1)	321 (-% 28,8)
Open data (orri nagusia)	10.454 (+% 34,8)	3.697 (+% 9,3)

Datu Irekien Atariari dagokionez, urtean 3.268 banaketa deskargatu dira guztira (+% 16,9); hauek dira nabarmenenak:

Banaketak	Deskargak	Erabiltzaileak guztira
Hiri-lurzoruaren erabilerak, 2022	133 (+% 54,6)	106 (+% 41,3)
Sare hidrografikoa	99 (+% 23,8)	86 (+% 45,8)

Banaketak	Deskargak	Erabiltzaileak guztira
Gasteizko iturriak	98 (-% 6,7)	78 (-% 7,1)
Menpeko toki erakundeen mugen mapa eta biztanleria	93 (-% 1,1)	74 (-% 6,3)
Biztanleriaren eboluzioa, auzoz auzo	77 (+% 22,2)	67 (+% 21,8)

### “Nora doaz nire zergak” atalak izandako bisitak

Modu espezifikoa, noradoaznirezergak.vitoria-gasteiz.org webgunean izandako bisitei buruzko datu nagusiak eskaintzen ditugu; aurrekontuen plataforma grafikoa da hori, CIVIO fundazioarekin egindako kontratuari esker abian jarria, non Udalaren aurrekontuei buruzko datu irekiak ustiatzen diren.

2023ko uztailan, GA4ra eguneratu zen; beraz, emandako datuak honela lortu dira:

- **Urtarrilaren 1etik ekainaren 30era:** Universal Analytics-en bidez erregistratutakoak.
- **Uztailaren 1etik abenduaren 31ra:** Ga4ren bidez erregistratutakoak.

\* Kontuan izan behar da tresna batek eta besteak neurtzeko duten modua desberdina dela; beraz, 2023ko datuak gutxi gorabeherakoak dira.

Hala eta guztiz ere, datuek erakusten dute txostenean jasotako hiru balioek (ikusitako orrialdeen kopurua, guztizko erabiltzaileak eta erabiltzaile berriak) behera egin dutela, eta 2021eko zenbakietara jaitsi direla ikusitako orrialdeei dagokienez, nahiz eta erabiltzaile kopuruak gora egin duen ekitaldi harekiko.

	2018	2019	2020	2021	2022	2023*
Ikusitako orrien kopurua	2.402	5.646 (+ % 135)	3.341 (-% 40,8)	4.440 (+ % 32,8)	5333(+ % 20,1)	4.361 (-% 18,2)
Erabiltzaile-kopurua, guztira	69	1.096 (+ % 1.488)	1.005 (-% 8,3)	1.764 (+ % 75,5)	2994(+ % 69,7)	2.723 (-% 9)
Erabiltzaile berrien kopurua	68	1.100 (+ % 1.511)	994 (-% 9,3)	1.800 (+ % 76,6)	2.983 (+ % 70)	2.420 (-% 18,8)

Gehien bisitatu diren hamar orrialdeen artean, ez da aldaketa handirik nabari gehien eskatzen diren edukietan eta horien ordenan, azken posizioetan izan ezik; horien artean, kulturari eta jai herrikoiei eta festei buruzkoak daude. Glosarioak jarraitzen du lehen lekuan eduki guztien artean, eta horrez gain hasiera-orria, aurrekontuei buruzko orriak, ordainketa eta inbertsioei buruzko informazioa eta “Zure ekarpena” atala, non simulazio pertsonalizatua egiten baita, zergak nola banatzen diren aurrekontuetan.

Eduki-orriak	Bisita-kopurua
Zer esan nahi du?	3.223
Hasierako orria	374
Udal aurrekontuak, guztira	478
Aurrekontuaren ikuspegi orokorra	338
Gasteizko Udalaren aurrekontuak	330
Ordainketa eta inbertsioak	301
Kultura	195
Zure ekarpena	141
Jai eta festak	140
Udal ondarearen kudeaketa	99

## Ondorioak

2019-2023 legealdiko plana ekainean amaitu zen. Plan hark 6. ardatzeko —"Gobernantza, Kudeaketa hurbila, arduratsua eta irekia"— bi konpromiso izan ditu oinarri: Gardentasun Ataria hobetzea eta Datu Irekien Ataria zabaltzea.

Konpromiso horiek birformulatu behar izan dira, ez herritarrei ematen zaien informazioaren bolumena handitzeko, baizik eta informazio hori **eskuratze modua eta azalpenak hobetzeko**; webgunearen diseinu berriari esker gauzatu ahal izan da hori, gobernu irekiaren eredua osatzen duten elementu guztiak erlazionatu baitira (gardentasuna, informazio-eskaerak, kontu-ematea, partaidetza...).

Nabarmentzekoa da korporazio-aldaketarekin eguneratu egin zirela bi arlo hauei buruzko datu guztiak: egitura politikoa (karguak, curriculum vitae, izendapenak, etab.) eta administrazio-antolamendua (sailen egitura eta arduradunak).

Oro har, gobernu irekiko ekimenei dagokionez, honako **helburu** hauei eutsiko zaie:

- Argitaratutako informazioaren kalitatea handitzea, eta ez kantitatea.
- Ikus-entzunezko eduki edo eduki grafiko berriak gehitzea, gehienbat didaktikoak (tutoretza-bideoak).
- Webguneko edukiak albisteen eta sare sozialen bidez argitaratzea, haien sustapena eta interesa errazteko.
- Lehentasunezko zatitza jotzea edukiak komunikazio argiko parametroetara egokitzeko lanak. Horien oinarriak Estrella Montoliorekin ezarri ziren, azaroan udal langileekin egindako lan-saio batean.

Gardentasun aktiboaren alderdi kuantitatiboari dagokionez, azken urteotan bezala jarraitu da lan egiten; ez da hobekuntza kualitatiborik izan, hainbat item falta zaizkigulako, eta argitalpen-prozesuak automatizatzea zail gertatzen delako. Egoera hori bi ikuspuntu ezberdinetatik interpreta daiteke, nahitaez antagonikoak ez direnak, osagarriak baizik: alde batetik, uste dugu nolabaiteko heldutasun-maila lortu dela informazioa argitaratzeko eta zabaltzeko zenbait dinamikatan; bestetik, badirudi geldialdian gaudela, beste urte batzuetan detektatutako gabeziak errepikatzen ari baitira. Kuantitatiboki betetze-maila altua dela esan dezakegu, % 90era iristen ez bagara ere.

**Txostena kontuan hartuta, ondorio hau atera da: maila kuantitatiboan, Udalak publizitate aktiboaren arloan egiten duen lana egonkor mantentzen da; maila kualitatiboan, berriz, informazioa eta datuak erakusten diren formatuak handitzeko eta hobetzeko beharra azpimarratzen da. Gardentasunaren arloan lidergoa behar da, erakundean kultura ezartzeko.**

Hori da jakinarazi beharreko guztia, Vitoria-Gasteizen, 2023ko maiatzaren 15ean.

Gardentasunaren eta Edukien Atala

Herritarrentzako Arretaren eta Gardentasunaren Zerbitzua

## I. ERANSKINA

### LEGE-BETEKIZUNAK DIRELA ETA IDENTIFIKATUTAKO ITEMAK

Aurreko ekitaldietan bezala, Udalaren gardentasun-politika aktiboaren xede diren hainbat item identifikatu dira, gardentasun-politiken lege-esparruan publizitate aktiboaren nahitaezko informaziotzat jotzen dena oinarritzat hartuta.

Identifikatutako itemen zerrenda ematen da ondoren:

### Erakundeari, antolakuntzari eta planifikazioari buruzko informazioa

19/2013 Legearen 6. artikulua eta 2/2016 Legearen 52. artikulua arabera

Galdatutako informazioa:

1. Toki-erakundearen organoak, beharrezkoak eta osagarriak, honako hauek adierazita: organoen titularrak (osaera) eta eginkizunak.
2. Aplikagarri zaizkion arauak.
3. Organo bakoitzaren gai-zerrendak eta hartzen dituzten erabakiak.
4. Erakundearen eta haren gobernu-taldeetan ardura politiko gorena duten pertsonen buruzko informazioa, curriculumeko datuak barne.
5. Alkatearen eta zinegotzien arduraldi-araubidea.
6. Antolakuntza-egitura eguneratua: organo desberdinetako arduradunak biltzen dituen organigrama, berariaz aipatuz zuzendaritzako edo erantzukizuneko lanpostuak, lanpostu horiek betetzeko zer profil behar den eta lanpostu horiek betetzen dituztenek zer ibilbide profesional daukaten.
7. Toki-ordezkarien ondasun eta jardueren buruzko urteroko aitorpenak.
8. Behin-behinekoak diren lanpostuen zerrenda.
9. Gobernu-plana, agintaldiko plana edo jarduera-plana. Aldian-aldian, horien betetze-maila.
10. Urteko eta urte anitzeko plan eta programak (xede zehatzak, eta horiek gauzatzeko aurreikusitako jarduerak, baliabideak eta epea). Xede horien gauzatzeko-mailaren aldizkako ebaluazio eta argitalpena.
11. Udaleko alderdi politikoen buruzko informazioa.
12. Aholku-organoak eta gizarte-partaidetzakoak, haien jarduera eta erabakiak barne.

13. Edonolako erakunde instrumentalak; arduradun gorenak zein diren eta haien antolamendu-egitura zer-nolakoa den ere adierazi beharko da.
14. Toki-erakundeek argitara emango dituzte, beren web-orri instituzionaletan eta informazio orokorreko gainerako medio propioetan, beren posta-helbidea, beren helbide elektronikoa eta erakundeak herritarrentzat dituen irispide orokorreko telefono-zenbakiak, eta adieraziko dituzte beren kargu hautetsien eta zuzendaritza-karguen interakzio-moduak.
15. Halaber, ezagutzera emango da zein kanaletatik eskaintzen diren herritarren arretarako zerbitzuak eta zein kanaletatik gauzatu daitekeen herritarren parte-hartzea.

### **Garrantzi juridiko-normatiboko informazioa**

#### 19/2013 Legearen 7. artikulua eta 2/2016 Legearen 53. artikulua arabera

Galdatutako informazioa:

1. Publikoak izango dira udal organoek onartutako erabakiak, baldin eta zuzenbidea interpretatzen badute edo ondorio juridikoak badituzte.
2. Toki-erakundeen ordenantza, erregelamendu eta aurrekontuen proiektuak, beranduenera ere, hasierako onarpena eman eta berehala argitaratuko dira. Irizpenak eskatzea nahitaezkoa denean, aholku-organoei irizpenak eskatzen zaizkienean argitaratuko dira, eta horrek ez du eragingo, nahitaez, entzunaldi publikoa ematea.
3. Arau-testuak egiteko dosierretako memoriak eta txostenak; bereziki eragin normatiboaren analisiari buruzko memoria, zeina uztailaren 3ko 1083/2009 Errege Dekretuak arautzen baitu.
4. Indarreko legeria sektorialari jarraituz, izapidetze-aldian jendaurrean jarri behar diren dokumentuak.
5. Aholku-organoen txosten edo irizpenak ere publikoak izango dira.
6. Herritarren partaidetzako prozesuaren memoria eta ondorioak, halakorik baldin badago.
7. Hasita, martxan eta bukatuta dauden partaidetzako prozesuak. Eta bereziki, prozesu horiekin lotutako txostenak.

#### Administrazio Publikoen Administrazio Prozedura Erkidearen urriaren 1eko 39/2015 Legearen 132. artikulua —Arau-plangintza— arabera

8. Urteko Araugintza Plana argitaratzen da, zeinak hurrengo urtean onesteko igorriko diren erregelamendu-ekimenak jasotzen baititu.

### **Informazio ekonomikoa, aurrekontuei buruzkoa eta estatistikoa**

#### 19/2013 Legearen 8. artikulua eta 2/2016 Legearen 55. eta 57. artikulua arabera

Galdatutako informazioa:

1. Kontratu guztiak, honako hauek adierazita: xedea, iraupena, lizitazio- eta esleipen-zenbatekoa, zein prozeduraren bidez egin den, zein bitartekoren bidez iragarri den, prozeduran parte hartu duten lizitatzaillearen kopurua, esleipendunaren nortasuna, eta

kontratuaren aldaketak. Kontratuetan atzera egiteko eta kontratuari uko egiteko erabakiak ere argitaratu egin beharko dira.

2. Kontratu txikiak hiru hilabete behin argitaratuko dira, modu agregatuan, eta argitaratzen direnetik gutxienez 12 hilabetez emango da horien berri.
3. Orobat argitaratuko dira datu estatistikoak sektore publikoko kontratuena arloko legedian aurreikusitako prozeduretako bakoitzaren bidez esleitutako kontratuek aurrekontuari dagokionez hartzen duten ehunekoari buruz.
4. Ezarritako zigorrak, hala badagokio, kontratisten ez-betetzeengatik.
5. Sinatutako hitzarmenen zerrenda, honako hauek adierazita: sinatzaileak, xedea, iraupena, aldaketak, prestazioak eta adostutako betebeharrak ekonomikoak —halakorik baldin bada—.
6. Sinatutako kudeaketa-gomendioak ere argitaratuko dira, honako datu hauek adierazita: xedea, aurrekontua, iraupena, betebeharrak ekonomikoak eta azpikontratazioak, berariaz aipatuz esleipendunak, esleipena egiteko jarraitutako prozedura eta esleipenaren zenbatekoa.
7. Emandako dirulaguntza eta laguntza publikoak: zenbatekoa, xedea edo helburua, eta onuradunak.
8. Aurrekontuak, aurrekontu-partida nagusiak deskribatuz eta exekuzio-egoerari buruzko informazio eguneratu eta ulergarria emanez. Argitara emango dira osorik eta eguneratuta, modu erraz, argi eta grafiko batean, partida nagusiak deskribatuz eta horien exekuzio-maila ezagutzea eta ekitaldian zehar onetsitako aurrekontu-aldaketak jakitea ahalbidetzen duen informazio zehatza emanez.
9. Aurrekontu-egonkortasunerako eta finantza-jasangarritasunerako helburuak betetzeari buruzko informazioa.
10. Argitaratu beharreko urteko kontuak, eta kanpo-kontrolako organoek horiei buruz egiten dituzten kontu-auditorien eta fiskalizazioen txostenak.
11. Honen aplikazio-eremuko entitateetako goi-kargu eta arduradun nagusiek jasotzen dituzten urteko ordainsariak. Halaber, kargua uztean jasotako kalte-ordainak ere argitaratuko dira, jaso badituzte.
12. Bateragarritasuna baimentzeko edo aitortzeko ebazpenak, langile publikoei eragiten dietenak, eta Estatuko Administrazio Orokorreko goi-karguek edo autonomia-erkidegoko edo tokiko araudien arabera horien pareko direnek kargua utzitakoan jarduera pribatuan jarduteko baimentzen dituzten ebazpenak.
13. Tokiko ordezkarien ondasun eta jardueren urteko aitorpenak, Toki Araubidearen Oinarriak arautzen dituen apirilaren 2ko 7/1985 Legean aurreikusitakoaren arabera.
14. Beren eskumeneko zerbitzu publikoen betetze-maila eta kalitatea baloratzeko beharrezko estatistika-informazioa, administrazio eskudunak xedatutakoaren arabera.
15. Hornitzaileen ordainketaren arloko berankortasunaren gaineko legeria betetzeko epeak.
16. Ondare-ondasun higiezin zerrenda —bere jabetzakoak izan nahiz haien gaineko eskubide errealeen bat eduki—, eta, kasua bada, horiek laga dizkion entitateak.

## Langileei buruzko informazioa

### 2/2016 Legearen 56. artikulua arabera

Galdatutako informazioa:

1. Publiko egingo dira enplegu publikoaren eskaintzak, zenbateraino bete diren, eta funtzionario eta lan-kontratupeko langileentzako hautaketa-prozesuak —deialdiak, eta izendapenera arteko edo kontratua sinatu arteko egintza guzti-guztiak barne—.
2. Toki-administrazioek edo beste erakunde mota batzuek emandako ikastaro eta prestakuntza-programak.
3. Sindikatu-ordezkaritzako organoak osatzen dituzten kideak eta horretarako liberatuta dauden pertsonen kopurua, berriaz aipatu beharko delarik zer ordu-kreditu duten.
4. Lanpostuen zerrendek taula sinoptiko bat jaso beharko dute, non, kategoriaren arabera ordainsari individualizatua jartzeaz gainera, antolamendu-tresna horren elementu garrantzitsuenak laburtuko diren.

### **Politika publiko lokalei eta zerbitzu-zorroari buruzko informazioa**

#### 2/2016 Legearen 54. artikulua arabera

Galdatutako informazioa:

1. Toki-erakundeek modu argi, irisgarri, ulergarri eta errazean zabalduko dute zer sartzen den herritarrei eskaintzen dieten zerbitzu-zorroan, eta berriaz zehaztuko dute zer ondasun eta prestazio eskaintzen dituen toki-erakundeak eta horien kostua zenbatekoa den, bai osotara eta bai pertsona bakoitzeko.
2. Era berean, publiko egingo dituzte zerbitzu-kartak edo pareko dokumentuak, eta, halakorik badute, zerbitzuen kalitatea ziurtatzeko edo egiaztatzekeo prozesuak.
3. Eskaintzen den zerbitzu bakoitzaren ordutegia eta horiengatik ordaindu beharreko prezio publikoak edo udal tasak zehaztu beharko dira.
4. Gainera, informazio agregatua, laburra eta argia eskainiko da honako zerbitzu hauen gainean:
  - Mantentzea eta obrak; segurtasun publikoa eta babes zibila; hondakinen bilketa eta tratamendua; uraren kudeaketa; kale-garbitzea; jarduera ekonomikoak eta lizentziak; hirigintza eta ingurumena; kultura eta kirola; gizarte-zerbitzuak eta gizon eta emakumeen berdintasuna.

### **Beste zenbait alderdi**

#### 2/2016 Legearen 58. eta 61. artikulua arabera

Eskatutako informazioa bi artikulua horien arabera:

1. Herritarrentzako interesekoa den informazioa ere argitaratuko da, ahaztu gabe betiere dagokion arautegi espezifikoak ezarritako informazio-betebeharrak.
2. Ezagutzera emango dira herritarren arretarako eta partaidetzarako zerbitzuak eskaintzeko dauden kanalak.
3. Euskal Autonomia Erkidegoko toki-erakundeek gardentasunaren atari bat sortu ahal izango dute beren egoitza elektronikoetan edo erakunde-webgunetan, herritarrek eta erakundeek titulu honetan ezarritako gardentasun-betebeharren ondorioz publikoa den informazio oro eta toki-erakundeak eman nahi duen informazio guztia eskuratzea errazteko (nahitaezkoa da 20.000 biztanletik gorako toki-erakundeetan).

4. Espazio bat prestatu beharko da herritarrek proposamenak eta iradokizunak egin ditzaten, bai eskatutako informazioari buruz, bai beren eskueran jarritako informazioari eta erabilitako formatu, programa edo lengoaia informatikoei buruz. Espazio horrek, era berean, aukera eman ahal izango du datuen irekitasunarekin eta berrerabilerarekin lotutako aplikazio informatikoen garapenean parte hartzeko.
5. Toki-erakundearen beraren erregelamendu bidez, gainera, informazioa herritarren artean zabaltzea eta herritarren partaidetza bultzatuko duten kanal anitzeko sistemak ezarri ahal izango dira.

## II. ERANSKINA

### GARDENTASUN ATARIKO ITEMEN ZERRENDA

I. eranskinean zerrendatutako itenez gain, badira Udalaren Gardentasun Atarian jasotzen diren beste informazio-unitate batzuk ere. Elementu horiek guztiak (I. eranskinekoak eta gehituak) jasotzen dira hurrengo taulan, 2023ko ekitaldiaren itxierako eguneratze-egoerarekin.

ITEMA	EGUNERATUA
<a href="#">Udalaren webguneko agenda</a>	Bai
<a href="#">Alkatearen erakunde-agenda</a>	2023ko maiatzera arte
<a href="#">Tokiko 21 Agenda, eta adierazleen bilakaera</a>	Ez
<a href="#">Talde politikoei ematen zaizkien diru-kopuruak</a>	2023-06-16ra arte
<a href="#">Sindikatuari egindako ekarpen ekonomikoak eta liberazio-orduak</a>	Bai
<a href="#">Ingurumen-atlasa eta ingurumen-informazioko sistema</a>	Bai
<a href="#">Udal kontuen barne eta kanpo ikuskapenak</a>	Bai
<a href="#">Udal bandoak</a>	Bai
<a href="#">Kontratazio-mahaiaren egutegia (gai-zerrendak eta aktak)</a>	Bai
<a href="#">Gobernu-organoen bilkuren egutegia (osoko bilkurak, tokiko gobernu-batzarra...)</a>	Bai
<a href="#">Partaidetza organoen egutegia (elkarguneak, Gizarte Kontseilua...)</a>	Bai
<a href="#">Udalaren kode etikoa, edo jokabide onarena</a>	Bai
<a href="#">Kontratazio-mahaiaren osaera</a>	Bai
<a href="#">Gobernu-organoen osaera</a>	Bai
<a href="#">Partaidetza-organoen osaera</a>	Bai
<a href="#">Kontratazio-mahaiaren akta eta gai-zerrenden kontsulta</a>	Bai
<a href="#">Gobernu-organoen akta eta gai-zerrenden kontsulta</a>	Bai
<a href="#">Partaidetza-organoen akta eta gai-zerrenden kontsulta</a>	Bai
<a href="#">Dirulaguntza-deialdiak</a>	Bai
<a href="#">Zuzendaritza- eta administrazio-kontseiluen deialdiak</a>	Bai
<a href="#">Deialdiak, deklarazioak, prentsaurrekoak eta prentsa-oharrak</a>	Bai
<a href="#">Kargu hautetsiekin harremanetan jartzeko datuak (helbide elektronikoa, sare sozialak...)</a>	Bai
<a href="#">Talde politikoen datuak (webgunea, sare sozialak, harremanetarako datuak)</a>	Bai
<a href="#">Herritarren postontziari buruzko datu estatistikoak</a>	Bai
<a href="#">Kontratuei buruzko datu estatistikoak, prozeduraren arabera</a>	Bai
<a href="#">Gasteizko biztanleriari buruzko datu estatistikoak</a>	Bai
<a href="#">Kargu hautetsien datu pertsonalak (izena, curriculum)</a>	Bai
<a href="#">Udalaren batez besteko ordainketa-epetari buruzko datuak</a>	Bai
<a href="#">Udal dekretuak</a>	Ez
<a href="#">Kaleetako trafiko-dentsitatea</a>	Bai
<a href="#">Udal bulegoak (helbideak, telefonoak, ordutegiak)</a>	Bai

ITEMA	EGUNERATUA
<a href="#">Udalbatzaren Idazkaritzaren eginbideak (kalte-ordainak, bateraezintasunak)</a>	Ez
<a href="#">Hauteskunde sindikalak eta langileen ordezkariak</a>	Bai
<a href="#">Udalbatzaren osoko bilkurak bideoan eskaintzea eta gordetzea</a>	Bai
<a href="#">Udalaren webgunearen erabilerari buruzko estatistikak</a>	Ez
<a href="#">Aurrekontuaren gauzatze-egoera eta plan eta programekiko erlazioa</a>	Bai
<a href="#">Zerbitzuen kostuen azterketak</a>	Ez
<a href="#">Azpiegitura-obra handien bilakaera</a>	Bai
<a href="#">Administrazio-antolakuntzaren gida-fitxa, webgunean</a>	Bai
<a href="#">Antolakuntza politikoaren gida-fitxa, webgunean</a>	Bai
<a href="#">Webguneko RSS harpidetzen gida-fitxa (egutegiak, albisteak...)</a>	Bai
<a href="#">Alkatearen erakunde-agendatik sortutako gastuak</a>	Bai
<a href="#">Kontratuen eta horien aldaketen historikoa (kontsulta online)</a>	Bai
<a href="#">Trafiko-kameren irudiak</a>	Bai
<a href="#">Trafiko-gorabeherak (obrek eragindako aldaketak)</a>	Bai
<a href="#">Adierazle ekonomikoak eta aurrekontuen ingurukoak (zorra, biztanleko gastuak eta abar)</a>	Bai
<a href="#">Tuvisaren lineei buruzko informazioa, denbora errealean</a>	Bai
<a href="#">Udal informazioa, webgunean eta sare sozialetan (berriak, txioak...)</a>	Bai
<a href="#">Wifi-sare publikoari buruzko informazioa</a>	Bai
<a href="#">Espazio Publikoak kontrolatutako obrei buruzko informazioa</a>	Bai
<a href="#">Aholkularitza Juridikoaren txostenak.</a>	Ez
<a href="#">Kontu-hartzailatza Nagusiaren txostenak (eragozpen-oharrak barne)</a>	Bai
<a href="#">Udalbatzaren Idazkaritzaren txostenak</a>	Bai
<a href="#">Organo Ekonomiko Administratiboaren txostenak</a>	Ez
<a href="#">Aurrekontu-egonkortasunaren inguruko txostenak</a>	Bai
<a href="#">Gardentasun-betebeharren betetze-mailari buruzko txostena</a>	Bai
<a href="#">Udal inbentarioa (eraikinak, ibilgailuak, balio artistikoa duten ondasunak...)</a>	Ez
<a href="#">Formalizatutako kontratu txikien zerrenda (zenbatekoak eta adjudikaziodunak)</a>	Bai
<a href="#">Obra publikoen lizitazioetan lehiatu diren enpresen zerrenda</a>	Bai
<a href="#">Obra publikoen adjudikaziodun nagusien zerrenda</a>	Bai
<a href="#">Zuzendaritza-lanpostuen eta konfiantzako langileen zerrenda (izena/kargua)</a>	Bai
<a href="#">Kontratu guztien zerrenda (xedeak, zenbatekoa, prozedura...)</a>	Bai
<a href="#">Hornitzaile eta kontratista nagusien zerrenda</a>	Ez
<a href="#">Lokalizazioak, kml, ibilbideak..., GeoVitoria Gasteizen</a>	Bai
<a href="#">www.vitoria-gasteiz.org webgunearen mapa</a>	Bai
<a href="#">Udalaren enplegu-eskaintza</a>	Bai
<a href="#">Ordenantza fiskalak</a>	Bai
<a href="#">Udal ordenantzak</a>	Bai
<a href="#">Udal organigrama orokorra</a>	Bai
<a href="#">Udal organigrama, sailez sail</a>	Bai

ITEMA	EGUNERATUA
<a href="#">Udal talde politikoen orriak (webguneak, sare sozialak)</a>	Bai
<a href="#">Udaltzaingoaren eta suhiltzaileen jardueraren parteak</a>	Bai
<a href="#">Kontratatzailearen profila (artean adjudikatu gabeko lizitazioak)</a>	Bai
<a href="#">Informazio publikora sarbidea izateko eskabideak, 9/2013 Legearen ildotik</a>	Bai
<a href="#">Agintaldiko plana edota Udalaren plan estrategikoa</a>	Bai
<a href="#">Udalaren dirulaguntzen plan estrategikoa</a>	Bai
<a href="#">Hiri Antolamenduko Plan Orokorra (txostenak, aldaketak, mapak...)</a>	Bai
<a href="#">Lurzoruaren udal plana, arauak, erabilera eta destinoa barne</a>	Bai
<a href="#">Urteko eta hainbat urteko plan eta programak (plan estrategikoarekin zerikusia dutenak)</a>	Bai
<a href="#">Aurrekontuen Ataria, Nora doaz nire zergak (CIVIO)</a>	Bai
<a href="#">Urteko aurrekontuak: zifrak, dokumentuak, estatistikak</a>	Bai
<a href="#">Udalak sinatutako hirigintza-hitzarmenak argitaratzea</a>	Bai
<a href="#">Sindikoaren gomendioak eta txostenak</a>	Bai
<a href="#">Kargu hautetsien ondasunen, interesen eta jardueren erregistroa</a>	Bai
<a href="#">Udal araudiak</a>	Bai
<a href="#">Sinatutako hitzarmenen zerrenda</a>	Bai
<a href="#">Lanpostuen Zerrenda</a>	Bai
<a href="#">Udalak erakundeetan dituen ordezkarien zerrenda</a>	Bai
<a href="#">2019-2023ko gobernu programaren kontuak ematea</a>	Bai
<a href="#">2023-2027ko gobernu-programaren kontu-ematea</a>	Egiteke
<a href="#">Udalari eragiten dioten ebazpen judizialak.</a>	Bai
<a href="#">Kargu hautetsien eta konfiantzako karguen ordainsariak</a>	Bai
<a href="#">Egoitza elektronikoa: tramitazioa online</a>	Bai
<a href="#">Udalaren ingurumen-egoera (airearen kalitatea, zarataren mapa...)</a>	Ez
<a href="#">Emandako dirulaguntzak (kapitala eta arruntak)</a>	Ez
<a href="#">Jasotako dirulaguntzak (kapitala eta arruntak)</a>	Ez
<a href="#">Ordainsarien taula, lanpostuz lanpostu</a>	Bai

**GUZTIRA:** 96 item; horietatik 13 eguneratu gabe daude. Eguneratu gabeko 13 horien artean, 10 aldizka eguneratzen diren itemak dira, eta gerta daiteke, txosten hau ixteko unean, prozedurari edo zirkunstantzietan dagozkien arrazoiengatik, oraindik eguneratuta ez egotea. Hala ere, aipatzekoak dira eguneratuta egon beharko luketen arren ez daudenak:


- Talde politikoei ematen zaizkien diru-kopuruak.
- Ondasun-inbentarioa.
- Hornitzaile eta kontratista nagusien zerrendak.
- Dirulaguntzen datuak, ekitaldia ixtean.

Berriaz aipatzen ditugu urdinez ageri direnak, gaur egun ez baitira Udalaren webgunean argitaratzen bi item horiek:

- Aholkularitza Juridikoaren txostenak.
- Organo Ekonomiko Administratiboaren txostenak.

**ERANSKIN GRAFIKOA:** LEGE-BETEBEHARREN BETETZE-MAILA

	Guztira	Bai		Ez
			Egiteke dauden hobekuntzak	
Erakundeari eta antolakuntzari buruzko informazioa	15	14	0	1
Garrantzi juridiko-normatiboko informazioa	8	5	0	3
Informazio ekonomikoa, aurrekontuen ingurukoa eta estatistikoa	16	13	1	3
Langileei buruzko informazioa	4	4	1	0
Politika publikoei buruzko informazioa	4	4	2	0
Beste zenbait alderdi	5	5	0	0
<b>GUZTIRA</b>	<b>52</b>	<b>45</b>	<b>5</b>	<b>7</b>



I. eranskinean identifikatutako betebeharren % 86 betetzen da, aurreko ekitaidiko ehuneko bera. Izan ere, aldaketa esanguratsu bakarrik aurreko urteetako zenbait hobekuntza izan dira. Eguneratu eta argitaratu gabe daudenak lehenengo item berak dira.